

ՀԱՄԱԶԱՅՆ ԱԳԻՐՆ

Հայաստանի տարածքային զարգացման հիմնադրամի և «Հիդրոէնէժին» ՍՊԸ-ի միջև 09.02.2023 թվականին կնքված N A-24GQ «ՀՀ Գեղարքունիքի մարզի Ճամբարակ քաղաքի թիվ 1 հիմնական դպրոցի կառուցման» աշխատանքների կատարման պայմանագիրը լուծելու մասին

ք. Երևան

«03» 07, 2025թ.

Հայաստանի տարածքային զարգացման հիմնադրամը (այսուհետ՝ Հիմնադրամ), ի դեմս գործադիր տնօրեն Սարգիս Բաղինյանի, ով գործում է հիմնադրամի կանոնադրության հիման վրա (այսուհետ՝ Պատվիրատու), մի կողմից, և «Հիդրոէնէժին» ՍՊԸ-ն, ի դեմս տնօրեն Վահան Վարդանյանի, ով գործում է կազմակերպության կանոնադրության հիման վրա (այսուհետ՝ Կապալառու), մյուս կողմից, երկուսը միասին Կողմեր, հիմք ընդունելով Հիմնադրամի հոգաբարձուների խորհրդի 2025 թվականի մայիսի 29-ի թիվ ՓՎ/67-2025 արձանագրային որոշումը, կողմերի միջև 2025 թվականի մայիսի 2-ին կնքված համաձայնությունը, ինչպես նաև՝ նկատի ունենալով այն հանգամանքը, որ առկա են պայմանագրի էական խախտումներ և կանխավճարը չի օգտագործվել աշխատանքների մոբիլիզացման վրա, կնքեցին սույն համաձայնագիրը հետևյալի մասին.

1. Լուծել Կողմերի միջև 09.02.2023թ. կնքված «ՀՀ Գեղարքունիքի մարզի Ճամբարակ քաղաքի թիվ 1 հիմնական դպրոցի կառուցման» աշխատանքների կատարման թիվ A-24GQ ծածկագրով պայմանագիրը:

2. Կողմերը համաձայնում են, որ Պայմանագրի շրջանակներում տրամադրված կանխավճարի չմարված մասով Պատվիրատուն պահանջ կներկայացնի բանկային երաշխիքից գանձելու համար, ընդ որում, կանխավճարի չմարված մնացորդը որևէ կերպ չվերադարձվելու (այդ թվում՝ բանկային երաշխիքից չգանձելու դեպքում) դեպքում սույն համաձայնագիրը համարվում է չկնքված, իսկ Պայմանագիրը չլուծված:

3. Կողմերը հաստատում են, որ սույն համաձայնագիրը կնքելու պահի դրությամբ Կապալառուի կողմից կատարված բոլոր աշխատանքների դիմաց Պատվիրատուի կողմից կատարվել է ամբողջական վճարում և առկա չեն կատարված աշխատանքի դիմաց կամ այլ՝ վճարման ենթակա, սակայն չվճարված գումարներ:

4. Սույն համաձայնագրի 2-րդ կետում նշված կանխավճարի մնացորդը վերադարձվելուց հետո և սույն համաձայնագիրը կնքված համարվելուց հետո հինգ աշխատանքային օրվա ընթացքում Պատվիրատուն պարտավորվում է Կապալառուի կողմից որպես Պայմանագրի կատարման ապահովում ներկայացված Կատարման բանկային երաշխիքը վերադարձնել Կապալառուին:

5. Պայմանագրի 55.1 կետով նախատեսված պահված գումարի կեսը կվճարվի Կապալառուին «ՀՀ Գեղարքունիքի մարզի Ճամբարակ քաղաքի թիվ 1 հիմնական դպրոցի կառուցման» աշխատանքների ձեռքբերման նոր մրցութային ընթացակարգի արդյունքում կնքվելիք պայմանագրով նախատեսված աշխատանքների կատարման արդյունքում ավարտական ակտը տրամադրելու դեպքում, իսկ մյուս կեսը թերությունների վերացման ժամանակահատվածի՝ ավարտական ակտի տրամադրումից հետո 1 տարվա ավարտից հետո, երբ Ծրագրի ղեկավարը հաստատում է, որ բոլոր թերությունները շտկվել են նախքան այս ժամանակաշրջանի ավարտը:

6. Կապալառուն պարտավորվում է սույն Համաձայնագիրը կնքելու օրվանից սկսած մինչև 120 օր ժամկետով իր հաշվին իրականացնել շինհրապարակի պահպանությունը, այդ թվում՝ հոգալ պահակային ծառայության, կոմունալ և այլ անհրաժեշտ ծախսերը:


7. Սույն Համաձայնագրի կնքման օրվա դրությամբ Կապալառուի կողմից շինարարական աշխատանքների կատարման համար ձեռք բերված և չօգտագործված նյութերը համարվում են վերջինիս սեփականությունը: Դրանց համար Պատվիրատուն վճարումներ չի կատարում:

8. Սույն Համաձայնագիրն ուժի մեջ է մտնում 2-րդ կետով սահմանված պայմանների կատարման դեպքում:

9. Համաձայնագիրը կազմված է 2 էջից, կնքվում է հայերեն լեզվով՝ երկու օրինակից, որոնք ունեն հավասար իրավաբանական ուժ:

ՊԱՏՎԻՐԱՏՈՒ

Հայաստանի տարածքային
զարգացման հիմնադրամ
ՀՀ ք. Երևան, 0037, Կ. Ուլնեցու 31
ՀՎՀՀ 00846441
Հ/Հ 1510032335590100
Բանկ «Արարատբանկ» ԲԲԸ
Գործադիր տնօրեն



Ս. ԲԱՂԻՆՅԱՆ

Կ. Տ. (ստորագրություն)

ԿԱՊԱԼԱՌՈՒ

«ՀԻԴՐՈԷՆՇԻՆ» ՍՊԸ
Հասցե՝ ՀՀ, ք. Երևան, Եսայան 130 տ.,
ՀՎՀՀ՝ 02266464,
Հ/Հ՝ 11500704343943
Բանկ՝ «Ամիո բանկ» ՓԲԸ
Տնօրեն



Վ. ՎԱՐԴԱՆՅԱՆ